

ARALIN 23

1. Ano ang pangalan ng anak na ibinigay ng Diyos kina Abraham at Sarah?

-Isaac.

2. Alam ba ni Abraham na binalak ng Diyos na dalhin ang Tagapagligtas sa pamamagitan ng lahi ni Isaac?

-Oo.

3. Paano inutusan ng Diyos si Abraham na ihandog si Isaac?

-Dahil ang Diyos ang nagbigay buhay kay Abraham.

-Dahil ang Diyos ang nagbigay buhay kay Isaac.

-Dahil ang Diyos ang Panginoon ng lahat ng tao.

4. Ipinangako ng Diyos kay Abraham na si Isaac ay magiging ama ng maraming lahi, at ang Tagapagligtas ay magiging kanyang lahi. Nagbago ba ang isip ng Diyos?

-Hindi.

5. Naisip ba ni Abraham na nagbago ang isip ng Diyos?

-Hindi.

-Naniwala si Abraham sa Diyos at sa Kanyang mga pangako.

6. Ano ang paniniwala ni Abraham na gagawin ng Diyos kung ihahandog niya si Isaac?

-Naniniwala si Abraham na kung ihahandog niya si Isaac, bubuhayin ng Diyos si Isaac mula sa mga patay.

7. Bakit hindi nailigtas ni Abraham si Isaac?

-Dahil itinaas na ni Abraham ang kanyang patalim upang ihandog si Isaac.

8. Bakit hindi nailigtas ni Isaac ang kanyang sarili?

-Dahil itinali ni Abraham ang mga kamay at paa ni Isaac.

9. Maililigtas ba tayo ng ibang tao?

-Hindi.

10. Kaya ba nating iligtas ang ating sarili?

-Hindi.

11. Sino ang tangi at nag-i-Isa na makapagliligtas sa atin?

-Ang Diyos.

12. Sino ang nangusap kay Abraham at nagligtas kay Isaac?

-Ang Diyos.

13. Sino ang nagbigay ng alay upang maging pamalit kay Isaac?

-Ang Diyos.

14. Bakit itinali ng Diyos ang lalaking tupa sa pamamagitan ng mga sungay nito?

-Dahil tatanggapin lamang ng Diyos ang isang perpektong handog na kapalit ni Isaac.

15. Bakit tinawag ni Abraham ang lugar na iyon na, “Ang Panginoon ang magkakaloob”?

-Naniniwala si Abraham na kung paanong ibinigay ng Diyos ang lalaking tupa, isang araw ay ibibigay ng Diyos ang Tagapagligtas upang iligtas ang mga tao.

-Ang asawa ni Abraham na si Sarah ay namatay, at si Isaac ay nagluksa para sa kanyang ina.

-Pagkamatay ng asawa ni Abraham na si Sarah, ano ang ginawa ni Abraham para sa kanyang anak na si Isaac upang aliwin siya?

Basahin natin ang Genesis 24:67 & 25:20a

67-Dinala siya ni Isaac sa tolda ni Sara na kanyang ina. Kinuha niya si Rebecca at siya'y naging asawa niya, at siya'y kanyang minahal. Kaya't naaliw si Isaac pagkamatay ng kanyang ina.

20-at si Isaac ay apatnapung taon nang siya'y mag-asawa kay Rebecca.

-Nakahanap si Abraham ng asawa para sa kanyang anak na si Isaac.

-Ano ang pangalan ng asawa ni Isaac?

-Rebecca.

-Si Rebecca ay isinilang sa lupain kung saan nanirahan si Abraham bago siya dinala ng Diyos sa Canaan.

-Pagkalipas ng ilang panahon, namatay din si Abraham.

-Dahil baog ang asawa ni Isaac, si Rebecca, hindi siya nagkaanak.

-Subalit nanalangin si Isaac para sa kanya, at sinagot ng Diyos ang kanyang panalangin.

Basahin natin ang Genesis 25:21-23

21-Nanalangin si Isaac sa Panginoon para sa kanyang asawa, sapagkat siya'y baog; At dininig ng Panginoon ang kanyang panalangin at si Rebecca na kanyang asawa ay naglihi.

22-Ang mga bata sa loob niya ay naglaban at kanyang sinabi, "Kung ito ay tama, bakit ako mabubuhay?" Kaya't siya'y humayo upang magtanong sa Panginoon.

23-Sinabi sa kanya ng Panginoon, "Dalawang bansa ang nasa iyong bahay-bata, at ang dalawang bayan na ipapanganak mo ay magiging hati; Ang isa ay magiging higit na malakas kaysa isa, at ang nakatatanda ay maglilingkod sa nakababata."

-Bago ipanganak ang mga anak ni Rebecca, tinanong niya ang Diyos tungkol sa kanila.

-Paano tumugon ang Diyos?

-Tumugon ang Diyos kay Rebecca na magkakaroon siya ng kambal na anak, at ang nakatatanda ay maglilingkod sa nakababata.

-Bago ipinanganak ang kambal ni Rebecca, alam na ng Diyos ang lahat ng tungkol sa kanila.

-Paano nalaman ng Diyos ang lahat tungkol sa kambal ni Rebecca bago sila isinilang?

-Alam ng Diyos ang lahat tungkol sa lahat ng tao.

-Walang natatago sa Diyos.

-Bago tayo isinilang, alam na ng Diyos ang lahat ng tungkol sa atin.

-Alam ng Diyos ang lahat ng nangyari sa ating nakaraan.

-Alam ng Diyos ang lahat ng nangyayari sa atin ngayon.

-Alam ng Diyos ang lahat ng mangyayari sa atin sa hinaharap.

-Pagkalipas ng panahon, ipinanganak ni Rebecca ang kambal na lalaki.

Basahin natin ang Genesis 25:24-26a

24-Nang dumating ang panahon ng kanyang panganganak, kambal ang nasa kanyang bahay-bata.

25-Ang unang lumabas ay mapula na ang buong katawa'y parang mabalahibong damit; Kaya't siya'y pinangalanang ng Esau.

26-Pagkatapos ay lumabas ang kanyang kapatid, at ang kanyang kamay ay nakakapit sa sakong ni Esau; Kaya't ang ipinangalan sa kanya ay Jacob.

-Ano ang mga pangalan ng kambal na lalaki na ipinanganak ni Rebecca?

-Esau at Jacob.

-Si Esau ang panganay.

Basahin natin ang Genesis 25:27a

27-Nang lumaki ang mga bata, si Esau ay naging sanay sa pangangaso, isang lalaki sa parang.

-Si Esau ay isang mahusay na mangangaso, at gumugugol ng maraming oras sa pangangaso.

-Naniniwala ba si Esau sa Diyos?

-Hindi.

-Si Jacob ang pangalawang ipinanganak.

Basahin natin ang Genesis 25:27b

27-Samantalang si Jacob ay lalaking tahimik, na naninirahan sa mga tolda.

-Si Jacob ay nag-aalaga ng mga tupa at baka, at namuhay nang tahimik sa kanyang tolda.

-Naniniwala ba si Jacob sa Diyos?

-Oo.

-Isang araw, may nangyari sa pagitan nina Esau at Jacob.

Basahin natin ang Genesis 25:29-30a & 31-34

29-Minsan, nagluto si Jacob ng nilaga. Dumating si Esau mula sa parang at siya'y gutom na gutom.

30-Sinabi ni Esau kay Jacob, "Pakainin mo naman ako nitong mapulang nilaga sapagkat ako'y gutom na gutom."

31-Sinabi ni Jacob, "Ipagbili mo muna sa akin ngayon ang iyong pagkapanganay."

32-Sinabi ni Esau, "Ako'y malapit nang mamatay. Ano ang mapapakinabang ko sa pagkapanganay?"

33-Sinabi ni Jacob, "Isumpa mo muna sa akin." At sumumpa siya sa kanya at kanyang ipinagbili ang kanyang pagkapanganay kay Jacob.

34-At binigyan ni Jacob si Esau ng tinapay at nilaga na lentehas. Siya'y kumain, uminom, tumayo, at umalis. Ganyan hinamak ni Esau ang kanyang pagkapanganay.

-Isang araw, bumalik si Esau mula sa pangangaso at gutom na gutom.

-Nakita ni Esau na si Jacob ay nagluluto ng nilagang lentehas na may pulang sabaw, at inutusan si Jacob na bigyan siya.

-Dahil gutom si Esau, ipinagbili niya ang kanyang pagkapanganay kay Jacob para sa ilang sabaw na pula ng nilagang lentehas.

-Bakit ipinagbili ni Esau ang kanyang pagkapanganay?

-Dahil hindi niya ito pinahahalagahan.

-Ano ang pinahahalagahan ni Esau?

-Pinahalagaan lamang ni Esau ang kanyang tiyan.

-Pahalagahan lamang ni Esau ang kanyang laman.

-Paano nagkakaiba sina Esau at Jacob?

-Hindi inisip ni Esau na siya ay ipinanganak sa kasalanan.

-Alam ni Jacob na siya ay isinilang sa kasalanan.

-Hindi inisip ni Esau na nagkasala siya sa Diyos.

-Alam ni Jacob na siya ay nagkasala laban sa Diyos.

-Hindi inisip ni Esau na ang kasalanan ay nagdadala sa walang-hanggang kamatayan.

-Alam ni Jacob na ang kasalanan ay nagdadala sa walang-hanggang kamatayan.

-Ayaw ni Esau na sumunod sa Diyos.

-Nais ni Jacob na sundin ang Diyos.

-Hindi nais ni Esau na ipadala ng Diyos ang Tagapagligtas upang iligtas siya.

-Nais ni Jacob na ipadala ng Diyos ang Tagapagligtas upang iligtas siya.

-Bilang panganay, ang pagkapanganay ay para kay Esau.

-Bilang panganay, ipapadala ng Diyos ang Tagapagligtas sa pamamagitan ng linya ni Esau.

-Subalit hindi pinahahalagahan ni Esau ang kanyang pagkapanganay.

-Hindi nais ni Esau na ipadala ng Diyos ang Tagapagligtas sa pamamagitan ng kanyang lahi.

-Nais lamang ni Esau ang sabaw na pula ng nilagang lentehas.

-Nais lamang ni Esau ang sinabi sa kaniya ng kaniyang tiyan.

-Sinusunod ba natin ang sinasabi ng ating tiyan, o sinusunod natin ang Diyos?

-Sinusunod ba natin ang sinasabi sa atin ng ating laman, o sinusunod natin ang Diyos?

-Kung susundin natin ang ating tiyan, hahantong tayo sa kamatayan.

-Kung susundin natin ang ating laman, hahantong tayo sa kamatayan.

-Kung susundin natin ang Diyos, aakayin Niya tayo sa buhay.

-Dahil hindi naniniwala si Esau sa Diyos, pinili ng Diyos si Jacob.

-Dahil hindi naniniwala si Esau sa Diyos, pinili ng Diyos na ipadala ang Tagapagligtas sa pamamagitan ng lahi ni Jacob.

-Bakit pinili ng Diyos na ipadala ang Tagapagligtas sa pamamagitan ng lahi ni Jacob?

-Dahil hindi naniniwala si Esau sa Diyos.

-Dahil hindi naniniwala si Esau sa Diyos, ibinigay ng Diyos kay Jacob ang pagkapanganay.

-Nang ibigay ng Diyos kay Jacob ang pagkapanganay, nagalit si Esau.

Basahin natin ang Genesis 27:41

41-Kaya't kinapootan ni Esau si Jacob dahil sa basbas na ibinigay sa kanya ng kanyang ama. At sinabi ni Esau sa sarili, "Malapit na ang mga araw ng pagluluksa sa aking ama; Pagkatapos ay papatayin ko si Jacob na aking kapatid."

-Nagalit si Esau kay Jacob kaya binalak niyang patayin si Jacob.

-Subalit nabalitaan ng ina ni Jacob na si Rebecca na gustong patayin ni Esau si Jacob.

-Kaya tinawag ni Rebecca si Jacob upang paalisin siya sa lupain kung saan siya ipinanganak.

Basahin natin ang Genesis 27:42-44

42-Ngunit ang mga salita ni Esau na kanyang panganay ay naibalita kay Rebecca. Kaya't siya'y nagsugo at ipinatawag si Jacob na kanyang bunso at sinabi sa kanya, "Inaaliw ng iyong kapatid na si Esau ang kanyang sarili sa pagpaplanong ikaw ay

patayin.

43-Ngayon, anak ko, sundin mo ang aking tinig; Bumangon ka at tumakas ka patungo sa aking kapatid na si Laban na nasa Haran.

44-Tumigil ka sa kanya nang ilang araw hanggang sa mapawi ang galit ng iyong kapatid,"

-Iniwan ni Jacob ang kanyang ina at ama, at nagsimulang maglakad patungo sa lupain ng Haran.

-Ang Haran ay ang lupain kung saan isinilang ang ina ni Jacob na si Rebecca.

-Ang Haran ay ang lupain kung saan nanirahan ang lolo ni Jacob na si Abraham bago siya dinala ng Diyos sa Canaan.

-Dahil napakalayo ng Haran, ang paglalakbay ni Jacob ay tumagal ng maraming araw.

-Nang gabing iyon, habang natutulog si Jacob, binigyan ng Diyos si Jacob ng isang panaginip.

Basahin natin ang Genesis 28:10-13a

10-Umalis si Jacob sa Beer-seba at pumunta sa Haran.

11-Dumating siya sa isang lugar at nagpalipas ng magdamag doon sapagkat lumubog na ang araw. Kumuha siya ng isa sa mga bato sa lugar na iyon at inilagay sa kanyang ulunan, at nahiga roon upang matulog.

12-Siya ay nanaginip na may isang hagdan na nakalagay sa lupa, na ang dulo ay umaabot sa langit, at ang mga anghel ng Diyos ay nagmamamhik-manaog doon.

13-At ang Panginoon ay tumayo sa tabi niya.

-Ano ang nakita ni Jacob sa panaginip na ibinigay sa kanya ng Diyos?

-Nakita ni Jacob ang isang hagdan.

-Saan nakaugnay ang ibabang dulo ng hagdan?

-Ang ibabang dulo ng hagdan ay nakadikit sa lupa.

-Saan nakaabot ang tuktok ng hagdan?

-Ang tuktok ng hagdan ay umabot sa langit.

-Ano ang ibig sabihin na ang hagdan ay naguugnay sa lupa at umaabot sa langit?

-Ang hagdan ay pinagsasama ang lupa at langit.

-Sino ang nasa taluktok ng hagdan?

-Ang Diyos.

-Sino ang naglalakad pataas at pababa ng hagdan?

-Ang mga anghel.

-Ano ang ibig sabihin na ang mga anghel ay naglalakad pataas at pababa sa hagdan?

-Nais ng Diyos na maging Diyos Siya ni Jacob.

-Bakit ibinigay ng Diyos kay Jacob ang panaginip na ito?

-Itinuturo ng Diyos si Jacob ang tungkol sa Tagapagligtas na darating.

-Ano ang itinuro ng Diyos kay Jacob tungkol sa Tagapagligtas?

-Kung paanong pinaguugnay ng hagdan ang lupa at langit, ipapadala ng Diyos ang Tagapagligtas na maglalapit ng mga tao na nasa lupa tungo sa Diyos sa Langit upang magkasama.

-Sa simula, lumakad ang Diyos kasama sina Adan at Eba.

-Subalit si Adan at Eba ay sumuway sa Diyos, at sila ay nahiwalay sa Diyos.

-Walang paraan para magkabalik sina Adan at Eba sa Diyos.

-Subalit ipinangako ng Diyos na ipadadala niya ang Tagapagligtas, na muling maglalapit sa mga tao sa lupa tungo sa Diyos sa langit upang magkasamang muli.

-Darating ang Tagapagligtas upang iligtas ang mga tao, upang ang Diyos at ang mga tao ay muling lumakad nang magkasama.

-Narito ang isang paglalarawan:

-Mabuti ang pagkakaibigan nina Patrick at Jose.

-Gayunpaman, ang kanilang kaaway ay napopoot sa kanilang dalawa.

-Labis ang inggit ng kanilang kaaway sa kanilang pagkakaibigan.

-Isang araw, nakaisip ang kanilang kaaway ng paraan para sirain ang pagkakaibigan nina Patrick at Jose.

-Pumunta ang kaaway nila kay Patrick, at sinabi sa kanya na gusto siyang saktan ni Jose.

-Naniwala si Patrick sa mga kasinungalingan ng kanilang kaaway, at nahiwalay siya sa kanyang kaibigang si Jose.

-Gayunpaman, mahal pa rin ni Jose si Patrick, at nag-isip ng paraan para maibalik ang kanilang pagkakaibigan.

-Ipinadala ni Jose ang kanyang anak upang kausapin si Patrick, at sabihin sa kanya na nilinlang siya ng kanilang kaaway.

-Dahil sa anak, muling naging magkaibigan sina Jose at Patrick.

-Nalinlang ni Satanas sina Adan at Eba, at sila ay nahiwalay sa Diyos.

-Subalit nangako ang Diyos na ipapadala niya ang Tagapagligtas na muling maglalapit sa Diyos at sa mga tao.

-Kung paanong ang hagdan ang tanging paraan upang maabot ang langit, ang Tagapagligtas ang tanging paraan upang maabot ang langit.

-Sa kanyang panaginip, kinausap ng Diyos si Jacob.

Basahin natin ang Genesis 28:13b-15

13-At nagsabi, “Ako ang Panginoon, ang Diyos ni Abraham na iyong ama, at ang Diyos ni Isaac. Ang lupang kinahihigaan mo ay ibibigay ko sa iyo at sa iyong binhi.

14-Ang iyong binhi ay magiging parang alabok sa lupa, at ikaw ay kakalat sa kanluran, silangan, hilaga, at sa timog at ang lahat ng angkan sa lupa ay pagpapalain sa pamamagitan mo at ng iyong binhi.

15-Alamin mo na ako’y kasama mo at iingatn kita saan ka man pumunta, at ibabalik kita sa lupaing ito sapagkat hindi kita iiwan hanggang hindi ko nagagawa ang ipinangako ko sa iyo.”

-Noong unang panahon, ang Diyos ay nangungusap sa mga tao sa panaginip.

-Ngayon, paano nangungusap ang Diyos sa mga tao?

-Ngayon, ang Diyos ay nangungusap sa mga tao sa pamamagitan ng Kanyang Aklat, ang Bibliya.

-Bakit nakipag-usap ang Diyos kay Jacob?

-Ang Diyos ay nagbibigay ng mga pangako kay Jacob.

-Ang mga pangakong ibinigay ng Diyos kina Abraham at Isaac, ngayon ay ibinibigay ng Diyos kay Jacob.

-Ano ang ipinangako ng Diyos kay Jacob?

-Nangako ang Diyos na magkakaroon ng maraming lahi si Jacob.

-Nangako ang Diyos na pagpapalain Niya si Jacob.

-Nangako ang Diyos na pagpapalain ang lahat ng tao sa pamamagitan ng pagpapadala ng Tagapagligtas, na magmumula sa mga lahi ni Jacob.

-Nakalimutan ba ng Diyos ang Kanyang pangako na ipapadala ang Tagapagligtas?

-Hindi.

-Hindi makakalimutan ng Diyos ang Kanyang pangako na ipapadala ang Tagapagligtas.

-Bakit hindi makakalimutan ng Diyos ang Kanyang pangako na ipapadala ang Tagapagligtas?

-Dahil hindi nakalilimot ang Diyos.

-Dahil hindi magbabago ang Diyos.

-Dahil laging tinutupad ng Diyos ang Kanyang mga pangako.

-Kinabukasan, nagpatuloy si Jacob sa kanyang paglalakbay.

Basahin natin ang Genesis 29:1

1-Nang magkagayo'y nagpatuloy si Jacob sa kanyang paglalakbay, at nagtungo sa lupain ng mga tao sa silangan.

-Nagpatuloy si Jacob sa kanyang paglalakbay hanggang sa tuluyang makarating sa lupain ng Haran.

-Sa Haran, nanirahan si Jacob ng maraming taon.

-Sa Haran, nag-asawa si Jacob ng dalawang magkapatid na babae, at naging ama ng labindalawang anak na lalaki.

-Pagkatapos manirahan ni Jacob sa lupain ng Haran sa loob ng maraming taon, muling nangusap ang Diyos kay Jacob.

-Ano ang sinabi ng Diyos kay Jacob noong naninirahan pa si Jacob sa Haran?

Basahin natin ang Genesis 31:13

13-[Sabi ng Diyos] “Ako ang Diyos ng Bethel na doon mo pinahiran ng langis ang haligi at doon ka gumawa ng panata sa akin. Tumayo ka ngayon, lumabas ka sa lupaing ito, at bumalik ka sa lupain na iyong sinilangan.”

-Pagkatapos manirahan ni Jacob sa Haran sa loob ng maraming taon, ano ang sinabi ng Diyos na gawin niya?

-Sinabi ng Diyos kay Jacob na lisanin ang Haran at bumalik sa lupain ng Canaan.

-Sa pagbabalik ni Jacob sa lupain ng Canaan, binigyan ng Diyos si Jacob ng bagong pangalan.

Basahin natin ang Genesis 32:28

28-[Sabi ng Diyos] “Ang iyong pangalan ay hindi na tatawaging Jacob, kundi Israel.”

-Anong bagong pangalan ang ibinigay ng Diyos kay Jacob?

-Israel.

-Ang ibig sabihin ng pangalang Israel ay pakikibaka sa Diyos.

-Sa susunod na aralin, malalaman natin ang higit pa tungkol kay Jacob.